




HURRIYAT

MUSTAQIL GAZETA

2010-yil 22-dekabr, chorshanba • № 52 (700) • 1996-yil dekabr dan chiqa boshlagan • e-mail: hurriyat@doda.uz • www.uzhurriyat.uz

КЕЛАЖАГИНИ БУГУН ЯРАТГАН ОЛИМА

Ёшлар эзуликка интилувчан бўлади. Улар турли мавзудаги маълумот ва янгиликларни тез илғаб олади. Баркамолликка эса соғлиқ ва билим етаклайди. Шундай экан, соғлом одам ўқиб билим эгаллай олади, билимли одам эса жамиятда ўз ўрнини топади.



➔ 3-бет

СЎЗДА МЕҲР БЎЛСА, ҚАЛАМДАН ҲИҚМАТ ТОМАР

Мустақиллик йилларида Бухорои Шариф беҳиёс даражада ўзгарибди. Янгича ўзига хос қиёфага кирибди. Автобус кенг ва раvon кўчалардан бир текисда елиб бораркан, виқор тўкиб турган бинолар эътиборимизни тортди.



➔ 6-бет

ОРИМИЗ БОРИМИЗ БЎЛСИН

Алломиш достони ҳам кекса-ю ёш севиб ўқийдиган улкан меросдир. Чунки бу асарнинг бошдан охиригача инсоннинг ор-номус ҳақида гап кетади.



➔ 8-бет

ЧОРШАНБАДАН ЧОРШАНБАГАЧА

- 17 декабрь куни "Суғурта фаолияти тўғрисида"ги Ўзбекистон Республикаси Қонунининг 15- ҳамда 18-моддаларига ўзгартишлар ва қўшимча киритиш ҳақида"ги Ўзбекистон Республикасининг Қонуни матбуотда эълон қилинди.
- 21 декабрь куни "Ўзбекистон Республикасининг Маъмурий жавобгарлик тўғрисидаги кодексига ўзгартиш ва қўшимчалар киритиш ҳақида"ги Ўзбекистон Республикасининг Қонуни кучга кирди.
- 17 декабрь куни халқ депутатлари Самарқанд вилояти Кенгашининг навбатдан ташқари сессияси бўлиб ўтди. Унда Ўзбекистон Республикаси Президенти Ислам Каримов иштирок этди ва нутқ сўзлади.
- 17 декабрь куни Ўзбекистон Республикаси Президенти Ислам Каримов "З.Т.Мирзаевни Самарқанд вилояти ҳокими лавозимига тайинлаш тўғрисида"ги ва "У.И.Барноевни Самарқанд вилояти ҳокими лавозимидан озод этиш тўғрисида"ги Фармонларга имзо чекди.
- 21 декабрь куни пойтахтимизда Ўзбекистон Қасаба уюшмалари Федерациясининг бешинчи курултойи бўлиб ўтди. Унда мазкур жамоат ташкилотининг 2006-2010 йиллар давомидаги фаолияти сарҳисоб қилинди. Курултой якунида Ўзбекистон Республикаси Вазирлар Маҳкамасининг Таълим, соғлиқни сақлаш ва ижтимоий муҳофаза масалалари ахборот-таҳлил департаменти бош мутахассиси Танзила Норбоева Ўзбекистон қасаба уюшмалари федерацияси кенгаши раиси этиб сайланди.



Минтақавий конференция



Сўз эркинлиги ва ОАВ:

ЖУРНАЛИСТНИНГ ЎРНИ ВА МАСЪУЛИЯТИ

Ўзбекистон Республикаси Олий Мажлиси Қонунчилик палатасининг Ахборот ва коммуникация технологиялари масалалари қўмитаси ҳамда Ўзбекистон Журналистлари ижодий уюشمаси томонидан Қарши шаҳрида "Сўз эркинлиги ва ОАВ: журналистнинг ўрни ва масъулияти" мавзуда минтақавий конференция ўтказилди. Мазкур анжуманда Олий Мажлиси Қонунчилик палатаси депутатлари, Журналистлар ижодий уюشمаси аъзолари, марказий ҳамда Қашқадарё, Самарқанд, Бухоро, Навоий, Сурхондарё вилоятларининг ҳудудий босма ва электрон оммавий ахборот воситалари раҳбарлари иштирок этди.

Конференцияда Юртбошимизнинг шу йил 12 ноябрь куни Олий Мажлиси палаталарининг қўшма мажлисидаги "Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси" мавзудаги маърузасида илгари сурилган йўналишлардан

бири — ахборот соҳасини ислох қилиш, ахборот ва сўз эркинлигини таъминлаш борасида белгилаб берилган устувор йўналишлардан келиб чиқадиган вазифалар апрофлича муҳокама этилди. Қашқадарё вилоят ҳокими, Ўзбекистон Республикаси Олий Мажлиси Сенати аъзоси Нуритдин Зайниев анжуман қатнашчиларини қадим ва навқирон Қарши

заминида кутлар экан, Юртбошимиз мазкур Концепцияда энг муҳим олти асосий йўналишни белгилаб берганини, уларнинг мазмун-моҳиятини ҳар бир кишига етказиш, бу борада тушунтириш, тарғибот ишларини кучайтириш барчамизнинг олдимизда турган муҳим вазифа ҳисобланганини алоҳида таъкидлади. "Яқинда бўлиб ўтган халқ депу-

тлатри вилоят Кенгашининг IX сессиясида ҳам ана шу масалани муҳокама этиб, Кенгашимизнинг тегишли ҳаракат дастурини қабул қилдик ва бу борадаги вазифаларимизни аниқ белгилаб олдик", деди Н.Зайниев ўз сўзида.

Минтақавий конференция иштирокчиларининг муҳоказаларини газетанинг 4-сахифасида ўқийсиз.



2010 йил – баркамол авлод йили

ЎШЛАР МАЛАКА ОШИРМОҚДА

Тошкентдаги "Бунёдкор" телекомплексида ҳудудий ёшлар студияларининг техник ва ижодий ходимлари учун навбатдаги ўқув семинари бошланди.

"Баркамол авлод йили" Давлат дастури доирасида ўтказилаётган ушбу ўқув-семинар Ўзбекистон Электрон оммавий ахборот воситалари миллий ассоциацияси, Журналистлар ижодий уюشمаси, "Ўзбекистон маданияти ва санъати форуми" жамғармаси, "Келажак овози" ёшлар ташаббуслари маркази, Ўзбекистон ёшларининг "Камолот" ижтимоий ҳаракати ҳамкорлигида ташкил этилди.

Семинарда Журналистлар ижодий уюشمаси раиси Ш.Ғуломов, Электрон оммавий ахборот воситалари миллий ассоциацияси бошқаруви раиси Ф.Абдуҳолиқов, Ўзбекистон ёшларининг "Камолот" ижтимоий ҳаракати Марказий кенгаши раисининг биринчи ўринбосари

Ф.Муҳаммаджонова, «Келажак овози» ёшлар ташаббуслари маркази бошқаруви раиси К.Бекназаров Президентимиз Ислам Каримов раҳнамолигида юртимиз оммавий ахборот воситаларини бошқариш-бошқич ва тизимли тарзда ислох этиш, уларни чинакам эркин фикр минбарига айлантириш, фуқароларнинг ахборот олишига оид ҳуқуқ ва эркинликларини таъминлаш борасида изчил ишлар амалга ошириладиганини таъкидлади. Маълумки, 2008 йилда Ўзбекистон Электрон оммавий ахборот воситалари миллий ассоциацияси ва бир қатор ҳамкор жамоат ташкилотлари томонидан Қорақалпоғистон Республикаси, вилоятлар ва Тошкент шаҳридаги ҳудудий нодавлат телерадиостанцияларда ёшлар студиялари ташкил этилган эди. Утган вақт мобайнида уларни энг замонавий рақамли ахборот-коммуникация техникаси, зарур жиҳоз ва усуналар билан таъминлаш, моддий-техник ҳолатини янада яхшилаш, соҳага иқтидорли ёш журналистларни кенг жалб этиш юзасидан муайян ишлар

амалга оширилди. Айни пайтда юртимизда кенгаётган ижтимоий-иқтисодий, маънавий-маърифий ислохотларнинг, баркамол авлод тарбияси йўлида курсатилётган эътибор ва ғамхўрликнинг мазмун-моҳияти акс эттирилган кўлаб телекурсатувлар, ранг-баранг дастурлар тайёрланди, эфирга узатилди.

"Баркамол авлод йили" Давлат дастури доирасида ҳудудий телерадиостанциялардаги ёшлар студияларининг фаолияти кўлами янада кенгайди. Журналистика соҳасига эндигина кириб келган ижодкорлар, техник ходимлар учун қатор лойиҳалар, куриқ-қизларнинг билим ва касбий маҳоратини оширишга доир машғулотлар ўтказилди. Семинар тинловчилари «Келажак овози — 2010» республика кўриқ-танловининг якуний босқичига оид репортажлар тайёрлайдилар. **Назозат УСМОНОВА, УзА муҳбири**

ОБУНА — 2011

Қадрли юртдошлар!

"HURRIYAT" газетасининг азиз муштарийлари!

"HURRIYAT" — маънавийатимизни янада бойитишда, ижтимоий фаоллигимизни оширишда, жамиятни демократлаштириш, халқимизнинг фаол фуқаролик позициясини шакллантириш йўлида замонавий ҳақиқатлик билан бажарилган хайрли ишларнинг фаол тарғиботчиси, мамлакатимиз хурриятининг сарқил мевасидир!

Хабарингиз бор, 2011 йил учун обуна давом этмоқда. Албатта, келгуси йил ҳам "HURRIYAT"ни мунтазам ўқиб боришнигизга, биз билан ҳамфикр, ҳаммаслақ бўлишнигизга ишонамиз!

УНУТМАНГ, "HURRIYAT" СИЗНИНГ ДОИМИЙ МИНБАРИНГИЗ!

Эслатиб

ўтамыз:

"HURRIYAT"нинг нашр

индекси —

233



СУҲБАТ

БАРЧАМИЗНИНГ БУРЧИМИЗ

Юртимизда йўл ҳаракати хавфсизлигини таъминлаш мақсадида кенг қамровли ишлар амалга оширилмоқда. Хусусан, аҳоли ўртасида мунтазам равишда турли профилактик тадбирлар ўтказилмоқда, йўл ҳаракати қондалари ва ҳаракатлангиш хавфсизлиги талабларини оммавий ахборот воситалари орқали тарғиб қилинмоқда. Шунингдек, транспорт воситаларининг техник ҳолатини ва йўлларнинг аҳолини яхшилаш борасида ҳам эътиборга молик тадбирлар олиб борилмоқда. Аммо шунга қарамастан содир этилаётган йўл-транспорт ҳодисаларининг сони юқорилигича қолмоқда. Жумладан, 2010 йилнинг 11 ояида 9657 та йўл-транспорт ҳодисаси содир этилган. Натияжада 1945 нафар киши ҳалок бўлган, 10406 нафари турли даражада жароҳатланган. Умуман олганда, таҳдидлар республикамизда йўл ҳаракати хавфсизлигини таъминлашда кескин чоратадбирлар кўриш зарурлигини кўрсатмоқда.

Ўзбекистон Республикаси ИИВ ИҲХ Бош бошқармаси бошлғи, полковник Х.Сайдалиев билан қилган суҳбатимизда йўл-транспорт ҳодисаларининг сабаблари, уларни бартараф этиш юзасидан амалга ошириладиган ишлар, келгусидаги режалар тўғрисида сўз борди.


— Холмат Аҳмедович, касалликни даволашдан кўра, унинг олдини олган афзал. Шундай экан, ҳозирги пайтда йўл-транспорт ҳодисаларининг олдини олиш мақсадида қандай амалий ишлар олиб борилаётган?

— Ҳақиқатдан ҳам, йўл-транспорт ҳодисалари содир этилишига йўл қўймайлик ниҳоятда муҳим. Чунки, сир эмас, автохалокатлар кўлаб нохуш оқибатларга олиб ке-

лади. Шу боис, ҳаракат хавфсизлигини таъминлаш мақсадида доимий равишда муайян тадбирлар амалга ошириб келинмоқда. Вазирлар Маҳкамаси фармойишига асосан республикамиз ҳудудида ўтказилаётган "Ҳаракат хавфсизлиги ойлиги" ҳам шулар жумласидандир. Амалга оширилаётган ишлар самарадорлигини ошириш, транспорт ва пиёдалар, жумладан, болалар иштирокидаги йўл-транспорт ҳодисала-

КЕЛАЖАГИНИ БУГУН ЯРАТГАН ОЛИМА

Инсонда қизиқиш ва интилиш муштарак бўлса, у жуда катта марраларни эгаллайди. Айнақса, фаннинг ҳали очилмаган қирраларини ўрганишга бўлган иштиёқ уни илмнинг юксак чўққилари сари етаклайди. Фақат бу йўлдаги машаққатларни сабот билан энгиб ўтиш учун катта куч ва чуқур билим талаб этилади. Ўзбекистон Республикаси Фанлар академиясига қарашли Биокимё илмий-техшириш институтининг илмий ишлар бўйича директор ўринбосари, биология фанлари доктори, доцент Шахлоҳон Турдиқулова ана шундай машаққатлардан чўчимайдиган, олдига қўйган мақсадни амалга ошириш йўлида толмайдиган олима сифатида нафақат мамлакатимиз, балки халқаро миқёсда эътирофга сазовор бўлганлардан ҳисобланади.



— Одатда хотин-қизларимизнинг фаоллигини гуманитар фанлар доирасида олиб борилган тадқиқотларда кўп кузатганмиз. Аммо ўзбек аёлларининг физика, техника ва қолаверса, тиббиёт фанларига бўлган қизиқишлари ҳам ортиб бораётганига мисоллар талайгина. Сиз эгаллаган соҳа ҳам шулар жумласидан...

— Мактабда ўқиб юрганимда, биология фанига қизиқиб қолганман. Шу фандан дарс берадиган синф раҳбаримиз хонасида биология фанига оид жиҳозлар кўп бўларди. Мактабни битириш арафасида "Ким бўлмоқчи-сан?", — деб сўрашганида: "Генетика бўйича олима бўламан", деб жавоб берганим эсимда. Лекин кўпчилик ўшанда ишонмаганди.

1990 йили мактабни аъло баҳо-лар билан тамомладим. Уша пайтда олдидимда иккита йўл бор эди. Биринчиси — тиббиёт ходими бўлиш. Бу соҳада ўқиганимда кўпроқ амалиёт-да ишлаганимга тўғри келарди. Иккинчиси — биология фани бўйича изланишлар олиб бориш, тиббиётга қўллаш мумкин бўлган янги тадқиқот ишларини жорий қилиш эди.

Уйда кўпинча ота-онанинг иш столида дарс тайёрлаб ўтиришларини кўрганимда, фан билан шуғулланишга, илмий тадқиқотлар олиб боришга аҳд қилганман. Уша йили Тошкент давлат университети (ҳозирги Ўзбекистон Миллий университети)-нинг биология ва туپроқшунослик факультетига хужжат топшириб, севага соҳамга нисбатан биринчи қадамни ташладим.

Ўзингиз биласиз, олий ўқув даргоҳи — бутунлай бошқача олам, ҳақиқий маънода катта ҳаётга йўналтирувчи даргоҳ. Талабалар йиллари эса бегубор, тинмай ўқиш, изланишлар олиб бориш учун энг қулай давр. Университетда тахсил олиш жараёнида биотехнология фанига қизиқишим ортди. Мамлакатимиз мустақилликка эришгандан сўнг биз ёшлар учун яратилган имкониятлар менга катта руҳ бағишлади. Шу сабабли битирув — малакавий ишимни ва номзодлик диссертацияни ҳеч иккиланмай биотехнология бўйича ҳимоя қилганман.

2001 йили «Липосомалар (липид мембранага ўранган пуфакчалар) асосида бифермент иммуноанализи»

мавзусида номзодлик диссертацияни ёқладим. Тадқиқотнинг ахамияти шундаки, иммунофермент таҳлилда липосомалар асосида яратилган янги усул беморга ташхис қўйиш жараёнини тезлаштиради. Бу усул ҳозир шифокорлар томонидан амалиётга жорий қилинди ва яхши натижа бермоқда.

— Ҳар бир кишининг ҳаётида даврлар кетма-кетлиги бўлади. Билим олиш, ўқиш босқичи, турмушга чиқиш, шу билан биргаликда, ўз соҳасида ишлаш, тадқиқот олиб бориш босқичи. Сиз икки даврни бир вақтнинг ўзида олиб боргансиз, бу аёл киши учун қийинчилик туғдирмайдими?

— Албатта, қийин. Лекин ҳар бир ишда имкон топса бўлади. Оила ташвишларини бир киши уддалай олмайдди. Турмушда бир-бирига ёрдам бериб, биргаликда ҳаракат қилинсагина қийинчиликларни енгиш мумкин.

2002-2005 йилларда илмий изланишларимни АКШдаги Калифорния университетининг тиббиёт факультетида давом эттиришга тўғри келди. Ўқишга борганимда, кичик қизим икки ёшга етмаган эди. Ушанда

оиланинг ёрдами катта бўлган. Чет давлатдаги изланишларимга келадиган бўлсак, у ерда биологик мембраналар лабораториясида ишладим ва кўп янги технологиялар билан танишдим. Бу ўзим ва касбим доирасидаги катта ютуқлардан бири эди.

Илмий изланишлар олиб бориш билан бирга Ўзбекистон Миллий университетининг биология ва туپроқшунослик факультети талабаларига генетика фани бўйича илгор технологиялардан фойдаланиб, дарс бериб келмоқдаман. Дарс жараёнида янги педагогик технологияларни қўллашга ҳаракат қиламан. Сабаби — замон шиддат билан ўзгариб бормоқда. Бир пайтлар инсон касаллигига ташхис қўйиш учун соатлаб вақт кетган бўлса, бугун у бир неча дақиқада аниқланмоқда.

2008 йили "Қутбланган ҳужайраларда мембрана гликопротеинлари (таркибда углевод мавжуд бўлган оксил) ташлишида ички оксил сигналларининг ахамияти" мавзусида докторлик диссертацияни ёқладим. Ишнинг амалий ахамияти — ҳужайрага оксилларни ташиш, ажратиш сигналларини ҳамда бу жараёнда углеводларнинг оксилга қўшилиш (гликозилизация) ролини ўрганиш, оксилларнинг ташилиши билан боғлиқ касалликларнинг сабабларини аниқлашда, уларни даволашда янги усуллари топишга имкон яратди. Яъни ошқозон-ичак касалликлари тизимини ўрганиш ва ошқозон яраси, саратони ва гастрит касалликлари пайдо бўлмасидан, унинг олдини олишга бағишланган. Бугунги кунда ошқозон яллиғланиши, яраси, саратони каби касалликларга чалинувчилар сони ошмоқда. Сабаби эса оддий. Инсонлар овқаланиш тизимини тўғри ташкил этмаслиги, тамаки ва алкоголь махсулотларини кўп истеъмол қилишлари оқибатида ошқозон яраси ёки саратонга чалинади.

Айни пайтда, докторлик илмий ишининг давоми сифатида инсон генетикасини ўрганиш билан бирга ошқозонда учрайдиган (хеликобактер

пилори) патоген бактерияси бўйича илмий изланишлар олиб бораётган. Биз каби тадқиқотчилар бу касалликни тузаотиш, олдини олиш борасида янги усуллари ишлаб чиқсак, сўнг улар тиббиёт ходимлари томонидан амалиётга жорий қилинса, инсон саломатлиги учун фойда келтирсагина, биз мақсадимизга эришган бўламиз.

— Олима, устоз сифатида бу соҳага кириб келаятган талабалар билан ишлаш жараёнида уларнинг қизиқишларини, интилишларини янада фаоллаштириш учун қандай усуллardan фойдаланасиз?

— Ҳар бир инсоннинг ўз олдига қўйган аниқ мақсади бўлиши керак. Шундагина, ундаги интилиш юқори бўлади. "Баркамол авлод йили" Давлат дастури бўйича "Ёшлар лабораторияси" ташкил қилиш юзасидан лойиҳа ишлаб чиқдим. Бу ҳам фақат талаба ёшлар учун. Лаборатория республика Фанлар академияси ва Ўзбекистон Республикаси Соғлиқни сақлаш вазирлиги билан ҳамкорликда ташкил этиляпти. Мақсад — биология соҳасини фаолиятини тиббиёт соҳаси билан биргаликда олиб боришдир. Яъни фанда яратилаётган усуллари амалиётга тезроқ жорий этиш, барта-раф этилмаган муаммолар бўйича изланишлар олиб бориш ва ёш тадқиқотчилар фаоллигини оширишдир.

Бир неча шогирдларим бор. Яқинда устозларимиз ва аспирантурада тахсил олаётган шогирдларимиз билан биргаликда академик лицей ва касб-хунар коллежларида тахсил олувчиларга мўлжалланган "Ҳужайра ва ривожланиш биологияси" деб номланган дарслик нашр эттирдик. Ўйлайманки, бу китоб ўқувчиларнинг яхши билим олишларига кўмак беради. Ёшлар турли мавзудаги маълумот ва янгиликларни тез илғаб олади. Баркамолликка эса соғлиқ ва билим етаклайди. Шундай экан, соғлом одам ўқиб билим эгаллаётган бўлиши одам эса жамиятга ўз ўрнини топади. Ёшларни соғлом ва баркамол этиб тарбиялаш эса биз мураббийларнинг қўлимизда.

Улуг мақсадалар йўлида тинимсиз изланиб келаятган олима 2009 йилда ТWAS академияси томонидан ўтказилган "Йилнинг энг яхши ёш тадқиқотчиси" халқаро танловининг голиби бўлди. Бугун эса биотехнология соҳасида ферментлар бўйича Европа Иттифоқи грантида ҳам иштирок этмоқда.

Сўхбатдош:
Эътиқодхон ОТАҚУЛОВА,
"Hurriyat" муҳбири

Оғуффурушлик яхшилик келтирмайди

А.Қурбонов муқаддам бир неча марта судланиб, жазони ўтаб чиққанди. Аммо ўрганган кўнгил ўртанса қўймас, деганларидек, у бундан ўзига тегишли хулоса чиқармади. Яна жиноятга қўл урди. Мўмай пул эвазига нотаниш мижозга "дори" топиб беришни ваъда қилди. Ниҳоят, келишилган кўни — 2010 йилнинг 13 май кўни туш чоғида Денов туманидаги «Дўстлик» маҳалласи худудида жойлашган уйда 2,1 грамм миқдордаги героин гиёҳвандлик воситасини 40 минг сўмга пуллади. Бироқ мижоз милиция ходими бўлиб чиқди.

А.Қурбонов ҳуқуқни муҳофиза қилувчи органлар томонидан жиноят устида ушланган ва суд ҳукмига қўра, айбдор деб топилди. Энди у дунёдаги энг бебахо бойлик — умрининг 12 йилини панжара ортида ўтказишга мажбур.

Дарҳақиқат, гиёҳванд моддаларнинг ҳуёна савдоси кишини тубанлик сари етаклайди. Чунки бу оғу, аввало, турли оғир жиноятларга "доя"лик қилади, минглаб инсонларнинг ёстигини қуритади. Қолаверса, гулдай оилаларнинг бузилиб кетишига, бегунох ёш болаларнинг ота-она меҳридан мусову бўлиб ўсишига сабаб бўлади.

Афсуски, шунга қарамай бутун дунёда бўлгани каби юртимизда ҳам гиёҳванд моддаларни ишлаб чиқарувчи ва у билан савдо қилувчилар учраб турибди. Статистик маълумотларга қўра, жорий йилнинг биринчи ярмида гиёҳвандлик воситалари ёки психотроп моддалари билан қўнунга хилоф равишда муомала қилишдан иборат 3465 та жиноят рўйхатга олинган. Республика ҳуқуқни муҳофиза қилувчи органлари томонидан 1500 килограммга яқин оғу муомаладан чиқарилиб йўқ қилинган.

Шунингдек, судлар томонидан гиёҳвандлик воситалари ва психотроп моддаларнинг ноқонун муомаласи билан боғлиқ 1706 та жиноят иши қўрилиб, 2526 нафар шахс жиноий жавобгарликка тортилган. Шундан 254 нафари аёллар ҳамда воёга етмаганлар экани гўят ачинарли ҳолдир. Шу боис бугун бутун инсониятни ташвишга солиб келаятган гиёҳвандликке хавфли иллатга қарши курашишда нафақат ҳуқуқни муҳофиза қилувчи идоралар ходимлари, балки ҳар биримиз фаол иштирок этишимиз лозим.

Чингиз ЕСЕРГАПОВ,
Бош прокуратура бошқарма
бошлигининг ўринбосари

ЎЗБЕКИСТОН RESPUBLIKASI TASHQI IKTISODIY FAOLIYAT MILLIY BANKI

замонавий технологиялар ва ускуналар сотиб олиш учун Хитой Давлат Тараққиёт банкининг кредит йўналишини жалб этган ҳолда кичик бизнес ва хусусий тадбиркорлик лойиҳаларини хорижий валютада қўллаб-қувватлаш дастурини амалга оширмоқда.

Хитой Давлат Тараққиёт банкининг кредит йўналиши:

- ★ кредит йўналишининг умумий суммаси — 75 млн. АҚШ доллари;
- ★ банк молиялайдиган импорт контрактлари ҳажми — 100 минг АҚШ долларида бошланади;
- ★ кредит муддати — 8 йил, жумладан, 3 йиллик имтиёзли давр;
- ★ Хитойда ишлаб чиқарилган товарларни етказиб бериш улуши — камида 50%;
- ★ фоиз ставкаси — LIBOR + йиллик 3,5% (ЎЗР тижорат банкининг маржасини ҳисобга олмаганда);
- ★ ташкил этганлик учун воситачилик ҳақи — кредит йўналишининг суммасига нисбатан йиллик 0,3%.

**МИЛЛИЙ БАНК
БИЗНЕСИНГИЗНИ
СИЗ БИЛАН БИРГА
РИВОЖЛАНТИРАДИ!**

Корея Эксимбанкнинг кредит йўналишини жалб этган ҳолда Навоий ЭИИЗда маҳаллий (Кореянинг ҳар қандай компанияси билан узлуксиз савдо алоқаларига эга бўлган) корхоналар ва Корея билан қўшма корхоналар учун ускуналар, машина қурилмаларини сотиб олиш ҳамда ўрнатиш лойиҳаларини молиялаш дастурини амалга оширмоқда.

Корея Эксимбанкнинг кредит йўналиши:

- кредит йўналишининг умумий суммаси — 50 млн. АҚШ доллари;
- кредит олиш мумкин бўлган муддат — 2012 йил 4 майгача;
- банк молиялайдиган импорт контрактлари ҳажми — 100 минг АҚШ долларида бошланади;
- кредит муддати — 5 йилгача, жумладан, лойиҳа бўйича ҳар бир кредит учун алоҳида 2 йиллик имтиёзли давр;
- фоиз ставкаси — SWAP ёки LIBOR + ҳар бир лойиҳа бўйича алоҳида белгиланган маржа (тахминан йиллик 6%, ЎЗР тижорат банкининг маржасини ҳисобга олмаганда);
- ташкил этганлик учун воситачилик ҳақи — кредит суммасига нисбатан йиллик 0,1%;
- мажбурият учун воситачилик ҳақи — кредитнинг ўзлаштирилмаган суммасига нисбатан йиллик 0,3%.

Кўшимча маълумот олиш учун 235-17-02 рақамли телефонга мурожаат қилинг
www.nbu.com

СЎЗДА МЕХР БЎЛСА, ҚАЛАМДАН ҲИКМАТ ТОМАР

Фарғоналик журналистлар Бухорода

Юлдузлар кўздан ниҳон бўлмай поездимиз қадим ва навқирон Бухоро заминига кириб борди. Карнай-сурнай садолари қулоққа чалинди. Бизнинг шарафимизга янграётган сурурбахш оҳангдан юракларимизга ҳаяжон кўчди: «Онажон — Ўзбекистон, бунчалар тантисан, бунчалар бағринг кенг! Ҳар гўшанг, ҳар чаманинг тупроғини кўзларга тўтиё қилсак арзигулик муқаддасан». Ана шундай туйғулар оғушида турганимизда йўлимизга интиқ бўлиб турган бухоролик ҳамкасбларимиз пешвоз чиқдилар. Самимий дийдорлашувлар, кучоқ очиб кўришишлар, бирга ўқиган курсдошларнинг, матбуот орқали номлари таниш ҳамкасбларнинг учрашувлари... Ҳар қандай кишини ҳам тўлқинлантириб юборади.



Тахририятлар биносиде бўлиб ўтган суҳбатимиз «Бухоронома» ва «Бухарский вестник» газеталарининг ўтмиши, бугунги ва эртаси ҳақида борди. Газетанинг етакчи журналистлари — Абдужалил Халилов, Учкун Тоҳиев, Мохира Шакарлова, Мохигул Назаровалар билан дилдан суҳбатлашдик. Қадим Бухоронинг тўқсон йиллик умри билан эш бўлган «Бухоронома» ва «Бухарский вестник» газеталари «А-З» бичимда, саккиз бетдан иборат, ок-қора рангда нашр қилинаркан. Ўз даврида кўплаб таникли қаламкашлар билан ишлаган жамоа бугун ҳаёт ҳақиқатларини акс эттириш учун хормай-толмай меҳнат қилиб, ахборот бозорига ўз ўрнини йўқотмасликка интиляпти. Газеталар дизайни, жанрлар хилма-хиллиги эътиборимизни тортиди.

Вилоят телерадиокомпанияси жамоаси бир кеча-кундузда 17 соатлик кўрсатувларни тайёрлаб, эфирга узатаётган экан. Компания раиси Амирилло Бешимов ўз касбининг фидойиси, атрофида аҳил жамоани уюштириб олибди. Компания биноси мукаммал таъмирдан чиқарилиб, замонавий техника ва технология билан таъминлангани. Ходимларнинг самарали ижод қилиши учун қулай

шароит яратиб берилгани кўриниб турибди. Фарғонанинг Дангарасидан Бухорога келин бўлиб тушган Гулчехраҳон Аҳмедова жамоанинг «юлдузи»га айланиб улғурди. Сафаримизнинг сўнгги дақиқаларига бизга ҳамроҳлик қилган Зухро Рамазонваннинг муаллифлик кўрсатувлари ҳам муҳлислари кўплиги билан кадр топаётгани бизни қувонтирди.

Вилоят матбуот марказида «Бугунги журналистика: ютуқ ва муаммолар» мавзусида уюштирилган баҳс-мунозарарда ўзаро таъриб алмашишни, муаммоларни қандай ҳал этиш йўллари белгилан олди. Унда вилоятнинг 34 та наشري ва битта давлат ҳамда учта хусусий телевидениеси вакиллари иштирок этишти. «Бухоронома» ва «Бухарский вестник» газеталарида ишлаб, нафақага чиққан фахрийлар тахририят ҳисобидан ҳар йили бепул обуна қилиниши, икки нафар ёш тахририятда ишлаш шарти билан тўлов-контракт асосида ўқитилаётгани, республика матбуотида мақоласи эълон қилинган журналистнинг моддий рағбатлантирилиши, «Ромитон тонги» газетаси бош муҳаррири, таникли ёзувчи Жўра

бой Фозиловнинг кичик босмахона очиб, газетасини ўзлари чоп этиши бизни эришилган натижаларда тўхтаб қолмасдан, таърибаларни янада бойитишга ундади. Шу билан бирга, вилоятимизда чоп этиладиган «Фарғона ҳақиқати», «Истиқбол йўли», «Давр овози», «Ешлар +» ва бошқа газеталар, телерадиокомпания фаолиятидаги ижобий жиҳатларни ҳамкасбларимиз алоҳида эътироф этиб, ўзлариде кўлашга бел бойлаганларини билдирди.

Матбуот марказидан бир олам таассурот билан қайтган ҳамкасбларимизнинг навбатдаги борар манзили ёшларга атаб қурилган «Кўхна ва боқий Бухоро» мажмуи бўлди.

Президентимиз ташаббуси ва ғояси асосида барпо этилган бу улғувор мажмуанинг бир томонидаги 700 ўринли вилоят мусикали драма театри, иккинчи томонидаги 2,5 минг томошабинга мўлжалланган амфитеатр эътиборингизни жалб қилмай қолмайди.

Чор тарафдаги узун йўлақлардан ўтиб, марказдаги «Кўхна ва боқий Бухоро» монументга етиб борилди.

Унинг марказида уч авлод — бахтиёр ёш оила — ота-она ва бола, ниҳол ўтказётган бобо ва набира, уй қураётган ота ва ўғилнинг барельеф ҳайкаллари акс эттирилган. Бунда чуқур фалсафа: ҳаёт абадий, умр ўткинчи, инсоннинг эзгу амаллари мангу, ҳар ким фарзанди учун ёруғ эртани қолдирсин, деган маъно мужассам. Обида тепасидаги баландлиги 5 метр, вази 32 тоннадан иборат, айланб турувчи улкан Ер шари узоқ-узоқлардан кўзга ташланади. Унда Ўзбекистонимиз харитаси тасвирланган.

Обиданинг шундоққина олдида туриб атрофга назар ташлаймиз. Тепаликдан кўз илғамас хилма-хил ёбонда каштан, япон саффораси ниҳоллари экилаётгани, режа асосида анвойи гулзорлар барпо қилинаётгани аниқ-тиниқ кўриниб

турибди. Мажмуа атрофидаги турар жойлар панорамаси ҳам ўзига хос тартиб ва орасталиги билан эътиборимизни тортиди. Ҳеч муболагасиз айтиш мумкинки, «Кўхна ва боқий Бухоро» мажмуаси келажак авлодларга Истиқлолнинг қисқа даврларга нечоғли такрорланмас, гўзал иншоотлар барпо этган обод ва озод Ватанининг улкан ҳадиясидир.

...Арк дарвозасидан кириб борар эканмиз, ажодларимизнинг бино, иншоотлар қуришидаги маҳоратига яна бир қарра тан бердик. Чинорлардан ясалган устунлар, тўсинлар, нақшикор эшиклар, қайта тикланган Субҳонқулихон мадрасаси, Амирнинг хос хоналари, саломхона, маросимхона, қабулхона, хазинахона, қушбеги девонхонаси, қовли — ҳамма-ҳаммаси ўзига хос кўринишга эга. Арқнинг меъморий ечими бу ерга келатган хорижий сайёҳларнинг ҳайратини ошираётгани бизга гурур, ифтихор бағишлади.

Бухоронинг энг хушхаво маъвоасида жойлашган амир-у хонларнинг ёзи — «Ситорай Моҳи Хосса» саройи миллий меъморчилигимизнинг ноёб обидаси сифатида янада кўркамлиги, бетакрорлиги билан ҳайратимизга ҳайрат кўшди. Сарой хоналаридаги бири-бирини такрорламайдиган зарҳал нақшлар, бу ёғи Чиндан, бу ёғи Олмония-ю Фарангистондан келтирилган қимматбахо буюмлар, амирлар, маликалар кийган либослар, қурол-аслаҳалар ажодларимизнинг ноёб истеъдоди, кўлигул ҳунармандлиги, юксак маданиятидан ҳикоя қилаётгандай эди.

Сафаримизнинг иккинчи куни Когон туманининг Орфон қишлоғида жойлашган Баҳоуддин Нақшбанд ҳамда бошқа бир қанча табаррук зотларнинг қадимжоларини зиёрат қилдик. Бу маскандан чиндан-да руҳан энгил тортиб, кейинги манзиллар сари йўл оламиз.

Бухоро вилоятида фаолият кўрсатаётган учта хусусий телевидениенинг иккитаси — «Истиқлол» ва «Коинот»да бўлиб, жамоалар катта мақсадлар йўлида астойдил меҳнат қилаётганини ҳис этдик. Телевидение бекаму кўст таъмирлангани, студиялардан тортиб ходимлар ижод қиладиган хоналаргача энг замонавий техникалар билан жиҳозланганига гўвоҳ бўлдик. Айниқса, яқинда ўзининг ўн ёшини нишонлаган «Истиқлол» телевидениесидеги шарт-шароитларга ҳавасимиз келди. Жамоа мамлакат миқёсида кўплаб танловларда қатнашиб, соврилли ўринларни эгаллаётгани бежиз эмас экан, деган фикр кечди ҳаёлимиздан. Жамоа аъзолари билан бўлган савол-жавоблар, фикрлашувлар барчамиз учун зарур таъриба орттиришга туртки бўлди, албатта.

Шундан кейин делегация аъзоларининг таклифига биноан очик осмон остидаги музей — Шахристонни кўздан кечирдик. «Карвон» меҳмонхонаси рўпара-сидаги торроқ кўча бўйлаб борамиз. Савдо расталари тугагачи, кенг майдонга чиқилди. Бу ерда 1127 йилда барпо қилинган, баландлиги 56 метр бўлган Минораи Калон, шунингдек, Мир Араб мадрасаси, Лабиҳовуз мажмуаси ва бошқа обидалар ажодларимизнинг ўчмас салохиятини кўз кўз қилиб, қўкка буй чўзиб турибди. Бу гўшада мустақиллик йилларида замонамиз тадбиркорлари томонидан қурилган, бири бирини ўхшашмайдиган бир неча гўзал ва муҳташам меҳмонхоналар ўтмишини бугун билан уйғунлигига ишоради.

Хуллас, кекса авлод вакилларида тортиб соҳага ёрқин умидлар билан эндигина кириб келган ёшлар жамланган 30 кишидан иборат гуруҳимиз, икки кунлик сафар чоғида оламжаҳон хотиралар билан она Фарғона сари йўлга тушдик! Йўллар равон, дилларимиз чароғон эди...

Дониёр ЭРГАШЕВ,
Ҳадичахон ҚАРИМОВА
Фарғона — Тошкент — Бухоро.

Шу жойнинг ўзидаёқ ўзаро фикр алмашишлар бошланиб кетди. Вилоят ҳокимлиги матбуот хизмати масъуллари, Ўзбекистон

Журналистлар уюшмаси Бухоро вилояти бўлими раиси Жаҳонгир Исмоилов ва бошқа ҳамкасб мезбонлар ҳамроҳлигида Бухоро арқининг ёнгинасида биз учун ҳозирлаб қўйилган «Карвон» меҳмонхонаси сари йўл олдик. Шарқона услубда қурилган шинамгина меҳмонхонада нонушта қилгач, яқинда 90 йиллигини нишонлаган «Бухоронома» ва «Бухарский вестник» газеталари бирлашган тахририяти ҳамда вилоят телерадиокомпанияси жамоаси хузурига ошиқдик. Мақсадимиз қадим Бухорои

хорои шарифдай масканде фаолият юритаётган ҳамкасбларимиз иш шароитлари билан танишиш, уларнинг таърибаларини ўрганиш эди.

Мустақиллик йилларида Бухорои Шариф беқис даражада ўзгарди. Янгича ўзига хос кифоага кирибди. Автобус кенг ва равон кўчалардан бир текида олиб бораркан, виқор тўкиб турган бинолар эътиборимизни тортиди. Бири банк, яна бири коллеж, бошқаси шифоҳона ва университетларга тегишли энг сўнгги дизайнда барпо қилинган бу иншоотлар ҳар қандай одамнинг ҳавасини келтиради. Хибонлар, истирохат боғларини айтмайсизми?! Шаҳар хуснига хусн кўшиб турган қадимий обидалар эса моддий сўзлаш асосида шу дийёрнинг порлоқ эртасига ишора қилаётгандай гўё...



ОАТ «ТУРОНБАНК»

Жамоаси

эл-юрт фаровонлиги,
Ватанимиз озодлиги ва ободлиги йўлида
фидокорона меҳнат
қилаётган барча юртдошларимизни,
ишбилармон ва тадбиркорларни
кириб келаётган
2011 ЙИЛ —
КИЧИК БИЗНЕС ВА ХУСУСИЙ
ТАДБИРКОРЛИК ЙИЛИ
билан муборакбод этади.

Янги йил ҳар бирингизнинг хонадонингизга
қут-барока, тинчлик-тотувлик
олиб келсин, азиз ватандошлар!



ЁЛҒИЗ УЧАЁТГАН КАБУТАР

Воқеий ҳикоя

Кор эринибгина ёғар, Ортиғали иккимиз катта-катта одим ташлаб, бир маромда борардик. Баланд бўйли, чайир ва кўркам гавдали бу йигитнинг ота-бобоси мерган ўтган, ўзи ҳам табиатнинг танти ўғли эди. Далагами ё тоққа овга чиқса, ови ўнгидан келмаган кун бўлмасди. Ҳатто кекса овчилар ҳам уни омади юришган йигит, деб мақташарди. У кўпдан бери:

— Овга бирга чиқсак, куруқ қайтмайсан, — дея бизни ишонтирарди.

Биз ов қилишни мўлжаллаб жўнаган кун тоғлар бағридаги энг баланд ва салобатли бўлмиш Қорақия чўққиларини одатдагидек қалин туман ўраб олганди. Ортиғали: «Енгил, куруқ қор ёққандан кейин ов яхши бўлади», дерди. Кеча ана шундай қор ёғди. Мен катта овдан умид қилиб дўстимнинг ортидан эргашдим.

Қор ҳамон учқунлаб турибди, ҳаво анча совуқ. Шунга қарамай, бирпасда терга тушиб кетдим. Бир баҳона топиб, ортимга жўнаб кетмоқчи бўлдим, бироқ бунга орият йўл бермади. Аҳволимни сезган Ортиғали ота-бобосидан эшитган ов хотираларидан гапира бошлади. Сўхбатга қизиқиб, тоғ этагига етиб келганимизни билмай қолибман.

Ортиғали милтиқни елкасидан олиб, камаридаги ўқлардан иккитасини жойлади. Сўнг бақувват кафтини елкамга кўйиб деди:

— Дўстим, энди, бу ёғига чарчамайсан... Овимизнинг барори ўзимизга боғлиқ...

Шундан кейин Ортиғали ов режаларини эринмай тушунтирди. Унинг айтишича,

мен Қоратошнинг чап томони бўйлаб ов қилиб, Қоратошга ўтар эканман. Ортиғалининг ўзи эса Қоратошнинг ўнг томонидан бориб, Тешиктошга кўтариларкан.

— Шундагина бирор ўлжадан умид қилишимиз мумкин. Чунки мендан қочган ўлжа сенга, сендан қайтганлари менга тўқнаш келади, — деди овчи дўстим жўнаш олдидан.

Шундан сўнг иккимиз икки томонга қараб йўл олдик. Мен катта-кичик харсанглар орасидан эҳтиёткорлик билан ўта бошладим. Сал юриб, кутилмаганда какликларга йўлиқдим. Чўчиб тушиб, тепкини босиб юборибман. Какликлар осмонда-ю, ўқ чамаси, беш метр нарига бориб қадалди. Эҳ, аттанг, бекор кетди-я! Какликларнинг гўзал парвозига маҳлиё бўлиб, уларнинг ортидан узоқ қараб қолдим. Улар Қоратошнинг ўнг томонига учиб ўтишган ҳам эдики, у ёқдан ҳам гумбурлаган ўқ овози эшитилди. Юрагим ҳаққириб кетди. Сўнг қадамларимни оҳиста босиб, йўлимда давом этдим. Қийнала-қийнала, ниҳоят, айтилган манзилга яқинлашдим. Шу пайт Тешиктош томонда яна ўқнинг овози тоғларни гумбурлатиб юборди. Сал ўтмай, ўша ёқдан бир гала каклик мен томонга учиб кела бошлади. Мен уларнинг «ғийт-ғийт» овоз чиқаришларига, қанот қоқмай парвоз қилишларига тикилганча анқайиб туравердим. Какликлар эса дарҳол нариги тоққа учиб кетдилар.

— Ношудлигим курсин, — дедим ўзимга ўзим. — Менин ўрнимда Ортиғалидек овчи бўлганида борми, камидан уч-тўрттасини отиб туширарди...

Ортиғалининг режасига аввал қулган эдим, энди чинакамига тан бердим. Қоратош шомол тегмайдиган, дим ва осойишта жой экан. Куёш кўриниши билан димогимга баҳор ҳиди урилгандек бўлди. Тошлар орасидан қулай жой танладим-да, кафтимни бошимга кўйиб чалқанча ётганча атрофни кузата бошладим. Нақадар гўзал! Тошлар ора-



сидан турли кўкатлар дадил бош кўтармоқда. Куёш тафтидан эрий бошлаган қор суви тошлардан «чак-чак» томиб, кўкатлар бағрига сингиб кетмоқда. Қаердандир учиб келиб, бехосдан елкамга кўниб олай, деган тоғ чумчуғи чириллаб панароқ жойга беркинди. Кейин бошини секин чиқариб, менга қараб шундай сайрадики, бундан кўнглим яйради.

Тешиктош томондан эса гоҳ-гоҳида ўқ овози эшитилди: «гум-ум, гум-ум!» Тоғлар ларзага келиб, акс-садо беради. Гумбурлаш овози ҳар гал қулоғимга чалинганда, юрагим ҳаққириб тушарди. Мендан тузуқ овчи чиқмас экан, деган умидсиз ҳаёллар қалбимни тирнайди.

«Э, нодон ов бўлмаса, та-

биатдан роҳатлансанг-чи», деган ўй хаёлимга келиб, юзимни куёшга тутганча кўзларимни юмдим. Қандайдир қушларнинг майингина қанот қоқишлари қулоғимга чалинди. Секин кўзимни очдим. Бироқ атрофда ҳеч нарса кўринмасди. Оҳиста ўрнимдан кўзгагиб, тошлар орасидан мўраладим. Элликолтмиш метр наридаги баланд қоя устида бир гала ёввойи каптарлар кўринди. Ана менга ов! Юрагим тез ура бошлади. Мен изламасам ҳам бу қушларнинг ўзлари келиб қолганини қаранг! Ишқилиб, энди булардан куруқ қолмай...

Ҳаяжонимни боса олмай, кўлларим титраганча яна милтиқни кўкка кўтардим. Кўндоқни ўнг елкамга кўйиб, чап кўзимни юмдим-да, галанинг қоқ ўртасини мўлжалладим. Бундан беҳабар қушлар ороланиб, бир-бир-

лари билан ўз тилларида чугурлашарди. Буни кўриб юрагим «жиз» этгандек бўлди. Сал турсам, яна ўлжадан куруқ қоладиганга ўхшайман.

Кўзимни чирт юмиб, тепкини босдим! Каптарлар гуриллаб кўрдим! Кувончдан антикканча, ўлжа томон югурдим. Жон талвасасида типирчилаётган қуш ёнига келиб, галати аҳволга тушдим. Чунки менин айбим билан бир беозор қуш жон бераётган эди. Бунинг устига, айна шу чоғ юз берган ажойиб синоат мени лол қолдирди. Не кўз билан кўрайки, узоқлашиб бораётган каптарлар ораси-

дан биттаси ажралди-да, тўғри мен томон шиддат билан учиб кела бошлади. У бори ўйи ўн метрлар узоқликдаги бояги каптарлар ўтирган жойга келиб қўнди. Бояқиш бетоқатлар, чиройли бўйини чўзганча тўрт томонга аланглар, ҳар қандай хавф-хатарни унутиб, йўқотиб қўйган жуфтани ахтарарди. Кўнглимдаги хурсандчилик ўрнини ўз-ўзимга нафрат ва виждон азоби қолади. Назаримда, ўзим ҳам тош устида мунгайиб ўтирган каптар ҳолига тушиб қолдим. Бироқ, начора, энди афсусдан фойда йўқ. Шу пайт тошдан-тошга сакраб, Ортиғали етиб келди. У ёнига ўнтача каклик осиб олганди.

— Овлар чакки эмас-ку, дўстим, — ҳазиллашди у ўлиб ётган каптарга ишора қилиб. — Энди қайтамизми?

Мен маъносиз бош силкитдим. Шу топда кўнглимга ҳеч нарса сигмасди.

Катта йўлга тушиб олганимиздан кейин кўлимда ҳеч нарса йўқлигини Ортиғали пайқаб қолди.


— Ие, ўлжанг қани? — сўради ажабланиб.

— Мендан овчи чиқмас экан, тушириб қўйибман...

— Зарари йўқ, — деди Ортиғали. — Хафа бўлма, бу сафар дуруст ов қилолмаган бўлсанг, мана, кўрасан, кейинги гал албатта, омадинг келади. Том бошига бирдан чиқиб бўлмайди-да, ошна! Манави какликларнинг ярми сеники, энди қовоғингни оч, келишдикми?

Майли, дегандай бўлдим, лекин негадир у билан бу ҳақда сўхбатлашим келмасди. Ортиғали бугунги ов тафсилотларини сўзлар, мен эса ўқтин-ўқтин қанот қоқиб, олис уфқлар сари учиб кетаётган ёлғиз каптарни ўйлардим.

Асад АСИЛ



Тойлоқ туман халқ таълими бўлими ва «Маърифатпарварлар» жамияти жамоаси

барча юртдошларимизни, соҳа ходимларини Янги йил байрами билан самимий муборақбод этади.

Янги йилда ҳаммага бахт-саодат, омад ва мустақкам соғлиқ ҳамроҳ бўлсин!



«Асака» банки (ОАЖ) жамоаси

ўз акциядорларини, мижозларни ва барча юртдошларимизни кириб келаётган

Янги — 2011 йил

билан сидқидилдан табриклайди!

Барчангизга
тинчлик-
хотиржамлик,
фаровонлик,
сиҳат-саломатлик,
хонадонларингизга
файзу барака
тилаймиз.

Бошлаган ҳар бир
хайрли ишингиз
бароридан келсин!



